


P. 539, L. -2【不聞不知不覺】



P. 539, L. -1【迷道滅而為苦集】《妙法蓮華經玄義》卷4：「迷道、滅，而起苦、集。」(T33,p.721,b4)《摩訶止觀》卷8：「理非明闇。以迷惑故起苦集闇。解治法故有道滅明。約闇故悲。約明故慈。大誓之心與境俱起。為滿願故須立要行。行之要者莫先止觀。」(T46,p.104,b15-18)

P. 540, L. 1【不達、所以為起宏誓願之由】《妙法蓮華經文句》卷9〈釋安樂行品〉：「由諸樂小，執佛方便以為真實，不會圓道故言『大失』，大失是慈誓之由。從『不聞不知』去，是悲誓之由。由未發偏圓心、不聞偏圓二道故，以不聞偏道無聞慧，不知者無思慧，不覺者無修慧。又無圓三慧。何者？不問故不聞，不信故不知，不解故不修。偏圓三慧權實皆無，甚可憐愍，起悲之由。」(T34,p.123,a19-26)

P. 540, L. 2【正立誓願】《法華經授手》卷7：「此正發誓也。直指云：因彼凡小不問此經是何義理？設得請問，而又不信，由不信則不解。故應發願云：我得菩提時，隨在何地，當以神通智慧之力引之，令住實相之中。此承上大慈、大悲，二心所及也。何地者，即得道後，或此方他方，乃未定之稱。神通智慧，即般若、解脫德也。住是法中，即法身德也。」(X32,p.754,a8-14)

P. 540, L. 5【但約無圓三慧而立誓】《妙法蓮華經文句》卷9〈釋安樂行品〉：「從『其人雖不問不信此經』去，正發誓願。彼雖不問不信偏圓二道，菩薩不約偏發誓，但欲與其圓道三慧，故言『雖不問不信此經，我得三菩提引令得入』也。誓願、菩提、智慧、神通，皆約安樂行得。何者？深觀如來座，故得智慧力，四辯莊嚴，能以慧拔也；深觀如來室、如來衣，得大善寂力，不起滅定現諸威儀；神通福德莊嚴先以定動也。」(T34,p.123,a26-b5)

P. 540, L. 6+7【神通力。智慧力】《法華文句記》卷9〈釋安樂行品〉：「《經》「以神通」等者，二力祇是福智二嚴。「深觀如來室衣，共為大善寂力」者，不起即衣、現儀即室。」(T34,p.322,c11-13)《維摩詰所說經》卷1〈弟子品3〉：「不起滅定而現諸威儀，是為宴坐。」(T14,p.539,c21-22)《注維摩詰經》卷2〈弟

子品 3〉：「什曰：謂雖入滅定而能現無量變化。以應眾生。肇曰：小乘入滅盡定則形猶枯木。無運用之能。大士入實相定。心智永滅而形充八極。順機而作。應會無方。舉動進止。不捨威儀。其為宴坐也亦以極矣。」(T38,p.344,c12-17)

P. 540, L. -3【無瞋垢等三過失】《妙法蓮華經文句》卷 9〈釋安樂行品〉：「行云何成？以其立大誓願故，入如來室行成；以其知四眾失圓道故，即如來座行成；以其誓制其心不懈怠故，如來衣行成。三行具立，故言行成。『無過失』者，慈悲成故無瞋垢失，如來衣成故無懈怠，如來座成故無諂曲也。」(T34,p.123,b6-11)

P. 541, L. 4【室行成等三】大慈悲為室。柔和忍辱衣。諸法空為座。

立大慈悲誓願→ 室行成→ 無瞋垢→ 人天供養。隨侍聽法。

知四眾失圓道→ 座行成→ 無諂曲→ 聽者歡喜。

誓制心不懈怠→ 衣行成→ 無懈怠→ 諸天衛護。無能難問。

P. 541, L. 8【三世諸佛同皆守護】《法華經大窾》卷 5：「常為下。四眾尊敬。虛空下。諸天隨侍。諸佛神力所護。故曰佛所護念。佛所護念者。而人天有不衛護者哉。」(X31,p.784,a11-13)《法華經通義》卷 5：「持經之人具此四行。則為四眾國王等之所供養、尊重讚歎。況有毀謗之辱乎。虛空諸天常隨守護。豈有魔撓之事乎。若處無人之境。儻有生心難問者。以諸天衛護神力。使聽者歡喜。安有惱害所加乎。前云『我遣諸天龍神常為守護』。以此經一切三世諸佛神力所護。是知諸天晝夜常守者。乃如來所遣也。以行契佛行。故諸佛護念如此也。以此妙法華經。無量國中。名字尚不得聞。何況得見受持讀誦。以法之難遇。故持經者固當慎重。是諸佛之慧命。人天之眼目。故不得不護念。若不聞不信。豈非大失耶。」(X31,p.571,a5-15)

P. 541, L. -5【名字不可得聞】如同「大悲咒」中佛所說。《千手千眼觀世音菩薩廣大圓滿無礙大悲心陀羅尼經》卷 1：「佛告阿難：……善男子！此陀羅尼，威神之力，不可思議！不可思議！歎莫能盡。若不過去久遠已來廣種善根，乃至名字不可得聞，何況得見？汝等大眾，天人龍神，聞我讚歎，皆應隨喜。若有謗此咒者，即為謗彼九十九億恒河沙諸佛。若於此陀羅尼，生疑不信者，當知其人永失大利，百千萬劫，常淪惡趣，無有出期，常不見佛、不聞法、不覩僧。」(T20,p.111,c2-14)《法華經演義》卷 5：「言無量國中等者。謂此之妙法華經。四十年前。未為開顯之時。則無論此之娑婆國土不能得見受持。即無量國

乃至名字亦不得聞。何況得見。而得受持。得讀誦耶。今日一番開顯。方能知此是權。知此是實。此權實不二之旨。而得聞其名。聞已得見。見已而得受持讀誦也。此法說。為下譬說作本耳。」(X33,p.223,a7-12)

P. 541, L. -4【久默斯要】如前 p. 347，〈藥草喻品 5〉：「破有法王，出現世間，隨眾生欲，種種說法。如來尊重，智慧深遠，久默斯要，不務速說。有智若聞，則能信解；無智疑悔，則為永失。」《法華經大成》卷 5：「何故久默而不說耶？當知有智若聞。能信能解。其柰無智疑悔。悔則謗。謗則墮苦而永失矣。」(X32,p.447,c7-8)

P. 542, L. 1【強力轉輪聖王】《法華經指掌疏》卷 5：「輪王喻佛。以王轉金輪御宇。佛轉法輪應世。義相似也。強力者。輪王有坐定遠圖之力。喻如來有禪定智慧之力故。威勢者。威德勢力。喻如來力無所畏等。言如來初成道覺。欲以神通力、智慧力。讚歎如來知見、力無所畏等。降伏三界魔軍。普度眾生。故以降伏諸國喻之。諸國。喻三界也。而諸小王。喻三界魔王。所謂五陰魔、煩惱魔、死魔等是也。言五陰煩惱等魔。攝持眾生。不令背塵合覺。反妄歸真。故以不順其命喻之。」(X33,p.634,a5-13)

P. 542, L. 7【起種種兵】前後法、喻必須相合。此喻「種種兵」，後法說「賢聖諸將」，故註中以聲聞四果解之。然《知音》亦作大乘菩薩賢聖解之；《法華經知音》卷 5：「王種種兵。謂象馬車步。佛賢聖諸將。小乘須陀洹等為賢。阿羅漢為聖。大乘信住行向為賢。十地則為聖。」(X31,p.435,c1-3)但說「須陀洹為賢」，此語不妥，還以本書《會義》中「七賢」為佳。小乘七賢：又名「七方便」、「七加行」，五停心觀、別相念住、總相念住、煖、頂、忍、世第一，都是在見道以前的修行位。

七賢，前軍————未斷「見惑」。

須陀洹、斯陀含，次軍—已斷「見惑」，未斷欲界「思惑」。

阿那含、阿羅漢，後軍—已斷欲界「思惑」。

P. 542, L. -6【三毒等分八萬四千】「八萬四千煩惱」、「八萬四千塵勞」有二種：(1)《三藏法數》引《華嚴孔目》；(2)《阿彌陀經疏鈔演義》

(1)塵勞之根本不出十使，各以一使為頭，九使為助，遂成一百。約三世各有一百，共成三百。而現在世一百時促，不論相助，於過去未來二世二百，又各以一使為頭，九使為助，共成二千，合前現在世一百，共成二千一百。又約多

貪、多瞋、多癡、等分四種眾生，各有二千一百，共成八千四百。又約四大、六衰（謂色聲香味觸法能衰損善法），各有八千四百，總成八萬四千塵勞。

- 八萬
四千
塵勞
- 一、貪瞋癡慢疑、身邊見戒取，十使各具十，成一百。
 - 二、歷三世成三百。
 - 三、過去、未來二世二百各具十使成二千，加現在一百成二千一百。
 - 四、約貪瞋癡等分四種，成八千四百。
 - 五、約四大加六衰，成八萬四千。

(2) 《阿彌陀經疏鈔演義》卷4：「十使互具成一百。歷十法界成一千。身口七支為七千。三世共成二萬一。四心各具二萬一。共成八萬四千數。以八萬四千律儀對治之。則成八萬四千法門。」(X22,p.790,c21-24)

- 八萬
四千
塵勞
- 一、貪瞋癡慢疑、身邊見戒取，十使各具十，成一百。
 - 二、在地獄等十法界各具百成一千。
 - 三、歷殺、盜、淫、妄言、綺語、惡口、兩舌(身口七支)成七千。
 - 四、歷過去、現在、未來(三世)成二萬一。
 - 五、歷多貪、多瞋、多癡、等分(四分)成八萬四千。